

光緒臨朐縣志卷之七

學校

國家建立學校作養人才設之師儒以壹其教資之廩膳以篤其志樹之聖賢以端其鵠惠之典籍以博其聞歲時考德行校文藝拔選登進辨材而官之其積分深者貢入太學榮以銓注至如家復其役官接以禮卽附名庠序皆得傲然自別於齊民凡所以重之如此豈徒然哉蓋期其修身明道出可以佐天子治萬民處亦可以化風俗敦尚仁讓也顧其末流士之自待往往異乎上之所期居恆講習不外科舉文字既不得志於有司則率偃蹇頽散無復

反求修身明道之實以希榮始以廢學終克副乎士之稱者什曾不二三焉學校徧天下而人才曰衰職是故歟職是故歟縣俗樸野士質實而愿其性姿固優然尠能致通顯里俗指相詬病容容者亦自謂於世無足重輕或且荒棄所業雜治農賈語其歸要不免於前者之弊茲爲詳學校之制俾共知尊孔氏之正學揚廣厲之大效

國家教澤致爲宏遠收育才之報非僅僅在科第卽士之所以自重者初不以窮達有損加焉絕希榮之念而勵其嚮學之心人才之生將於是瞻之作學校考

儒學在縣治東偏舊在城西南隅宋紹聖五年縣令李敬

移建於此

縣尉黃顯有記

宋末兵燬元中統中縣尹陳仲祥重建

至治中縣尹李善卿修

有碑記在今學署前

至正八年達魯花赤太

不華規拓地基廣袤十畝明代屢有增建

舊志但言天順中卜令釗嘉靖

十年褚令寶萬歷中王令雲龍相繼增拓其見於昌國餘

則有陳安成化中則有劉環嘉靖中則有王家士萬歷中則有陳幕崇禎中則有陳德政志皆不詳

國朝順治三年知縣童本胡康熙元年謝賜牧乾隆十年

陳錕嘉慶四年蔣清

有碑記在大成門外

相繼修屏牆面羊石街東

西列德配天地道冠古今坊北為櫺星門

門內偏左有矮松一株高僅數

尺蔭方逕丈嘉植也

又北為泮池

甃以甃上周護石闌深可五六尺無泉源四時長涸

又北為

大成門

門外有古槐雷雨駁蝕腹枵然半裂而枝柯新翠油然廟樹蕭穆交蔭此為最古矣

門內甬

光緒臨朐縣志卷七

學校

一一

道槐榆松柏夾列

右有老檜從曲阜移至有短碣記其事相傳道光元年雨雹萬樹皆摧此檜枝

葉略不損壞邑人神之

無瘞坎燎鑪儀不具也東西為兩廡上為大

成殿楣極恭懸康熙二十三年

頌萬世師表額雍正三年

頌生民未有額乾隆三年

頌與天地參額道光三年

頌聖協時中額道光三十年

文宗頌德齊幃載額咸豐十一年

穆宗頌聖神天縱額

今上光緒七年

頌斯文在茲額殿前為露臺

臺東北隅有明山東巡撫陳鳳梧道統聖賢贊碑

臺下東西巨碑二恭刻

聖祖御製至聖先師讚四配顏子曾子子思子孟子讚

聖至

讚碑後有元至正重修學宮碑南列三碑一為國朝乾隆十年陳錕立一為康熙元年謝賜牧立一為嘉靖三十年王家士立四配讚右有元加大成封號碑南亦列重修學宮碑三一為康熙五十四年陶宣立一為萬曆三十四年陳幕立一為

嘉靖十二年褚寶立廟側有小門北出左曰禮門右曰義路由禮門東折為東庠門由義路西折為西庠門殿後

石有

鐫指南二字大逕尺子夏山人王文翰書為考棚兩翼及南北為明倫堂左卧

碑明各一右明倫堂銘朱子撰元達魯花赤不華刻皆銜堂北壁堂

東西為時習日新二齋皆明褚寶建寶復建敬一亭於堂前萬歷三年苗淳然改建堂後

光緒臨朐縣志卷七學校

東墀下有雍正時

諭旨考察生員優劣碑

南為宋大觀聖作碑徽宗書李時雍摹寫逼真瘦金體碑額大觀聖

作之碑六字則蔡京筆也西巨碑恭刻乾隆二十三年頒

御製平定準噶爾告成太學文稍右為乾隆時

諭旨禁生監充當行戶莊長及免雜役碑又南為元堂後

為敬一亭亭後為尊經閣舊為希賢堂明萬由明倫堂後

東折而南百數十步為學門門內有西房三楹為點名廳屬考棚

崇聖祠在西庠門外名宦祠在戟門左 鄉賢祠在戟門

右 教諭宅舊志云在西廡之西久廢今居尊經閣下

訓導宅在尊經閣西舊志云訓導宅二一在啟聖祠左一

在西庠門右今率夷爲庚矣

文廟崇祀孔子以四配十二哲配饗以先賢公孫氏以下七十九人先儒公羊氏以下六十七人從祀

四配位次東配復聖顏子

漢永平十五年祀七十二弟子顏子位第一魏晉祀孔子均以

顏子配唐貞觀二年以孔子爲先聖顏子配饗

述聖子思子

宋大觀二年從祀端平三年升列哲位咸

淳三年配饗

西配宗聖曾子

唐開元八年從祀宋咸淳三年配饗

亞聖孟子

宋元豐七年

年配

以上配位宋以前皆稱封爵元至順元年贈顏子充

國復聖公曾子邾國宗聖公子思子沂國述聖公孟子鄒國亞聖公明嘉靖九年改稱復聖顏子宗聖曾子述聖子思子亞聖孟子

光緒臨朐縣志卷七 學校

四

國朝因之

十二哲位次東哲先賢閔子冉子端木子仲子

皆唐開元八年從祀

卜子

唐貞觀二十一年以經師從祀開元八年以十哲從祀

有子

唐開元八年從祀國朝乾隆三年

升列哲位

西哲先賢冉子宰子冉子言子

皆唐開元八年從祀 顓孫子 唐開

元八年從祀宋咸淳三年升列哲位

朱子

宋淳祐元年從祀

以上哲

位宋以前皆稱封爵明嘉靖九年改稱先賢某子

國朝因之有子朱子升列哲位從一例

兩廡位次東廡先賢公孫僑

咸豐七年從祀原西廡今移東廡

林放

雍正二年

復祀原西廡今移東廡

原憲南宮适商瞿漆雕開司馬耕梁鱣冉孺

伯虔冉季漆雕徒父漆雕哆公西赤任不齊公良孺公肩

定鄴單罕父黑榮旂左人鄆鄭國原亢廉潔叔仲會公西

輿如邾巽陳亢琴張步叔乘秦非顏會以上皆唐開元顏

何從祀同上明嘉靖九年罷縣亶牧皮原西廡今樂正克

萬章以上皆雍正周敦頤程顥皆宋濶祐邵雍宋咸淳三

西廡先賢遽瑗唐開元二十七年從祀明嘉靖九年改祀

西廡以其卒後於公孫僑澹臺滅明原東廡今宓不齊公冶長公皙哀

高柴樊須商澤巫馬施顏辛曹卹公孫龍秦商顏高壤駟

赤石作蜀公夏首后處奚容蒧顏祖句井疆秦祖縣成公

祖句茲燕伋樂欬狄黑孔忠公西蒧顏之僕施之常申棖

以上皆唐開元二十七年從祀左邱明唐貞觀二十一年秦冉唐開元二十

光緒臨朐縣志卷七學校 五

嘉靖九年罷朝雍正二年復祀國公明儀咸豐三年從祀原公都子公孫

丑皆雍正二年張載程頤皆宋濶祐以上先賢位次宋以前

從祀者皆稱封爵明嘉靖九年改稱先賢某子周張程邵

五子嘉靖時稱先儒崇禎十五年改稱先賢位在七十子

之下漢唐諸儒之上

國朝均稱先賢不稱子

東廡先儒公羊高伏勝皆唐貞觀二年毛亨同治二年孔安國

唐貞觀二十一年從祀許慎光緒二年后蒼明嘉靖九年鄭康成

唐貞觀二十一年從祀范甯同陸贄

道光六年范仲淹康熙五十年歐陽修明嘉靖九年司馬光宋咸

改稱先儒某子

國朝稱先儒不稱子

按舊志成於康熙十一年其時兩廡位次仍沿明舊嗣是勵賢崇化祀典迭加釐正康熙朝增祀一人升列哲位一人雍正朝復祀六人增祀二十人乾隆朝復祀一人升列哲位一人道光朝增祀七人咸豐朝增祀六人同治朝增祀二人光緒七年以前增祀六人至位次東西稍有移易則同治二年禮臣奉 詔旨議定者今悉遵禮部頒行本敘列同治二年以後增祀諸儒亦按時代列入釐然秩然俾覽者有可考證又按既祀復罷

光緒臨朐縣志卷七

學校

七

者歷代凡十有一人公伯寮以讒子路黜荀況以言性惡黜劉向以誦神仙方術黜揚雄以事莽黜賈逵以附會圖讖黜戴聖以賊吏黜馬融以貪濁附勢黜何休以黜周王魯黜王肅以黨司馬篡魏黜杜預以黨貴建短喪黜王弼以宗旨老莊清談誤國黜公伯寮行事不概見他皆著書立說有功經傳然行誼或虧得罪名教存其言不復重其人附錄於此有志聖賢者何去何從宜知所自處已

崇聖祠崇祀孔子五代肇聖王木金父公裕聖王祈父公

詒聖王防叔公昌聖王伯夏公啟聖王叔梁公

明嘉靖九年立啟聖

祠祀叔梁公國朝雍正二年加封先師五世王爵始改啟聖祠為崇聖祠東配先賢孔氏孟

皮豐國朝咸顏氏無繇孔氏鯉西配曾氏皙孟孫氏激明皆

嘉靖九年以先儒周氏輔成明萬歷二十三年程氏垫蔡氏元定嘉靖九年從

祀東廡先儒張氏迪正國朝雍正二年朱氏松明嘉靖九年從祀西廡

每歲春秋上丁知縣官釋奠於先師典史官分獻教諭訓

導官監禮生員贊引執事登降之儀官士所習茲不詳詳

禮器詳樂章

至聖先師孔子位前帛一牛一羊一豕一鐙一劔二簠簋

各二籩豆各十尊一爵三鑪一鐙二四配位前各帛一羊

一豕一劔二簠簋各二籩豆各八爵三鑪一鐙二東西各

光緒臨朐縣志卷七學校

尊一十二哲位前各帛一劔一簠簋各一籩豆各四爵三

東西各羊一豕一尊一鑪一鐙二兩廡二位共一案每位

前爵一每案簠簋各一籩豆各四東西各羊三豕三尊三

統設香案每案帛一爵三鑪一鐙二牲載於俎帛正位四

配異篚十二哲東西共篚尊實酒疏布冪勺具

崇聖祠正位前各帛一羊一豕一劔二簠簋各二籩豆各

八爵三尊一鑪一鐙二五配各帛一簠簋各一籩豆各四

爵三東西各羊一豕一尊一鑪一鐙二兩廡東二案西一

案均簠簋各一籩豆各四每位爵一東西各帛一羊一豕

一尊一鑪一鐙二俎篚冪勺具

樂器凡祭先期陳於殿外階上編鐘十六在東編磬十六在西懸以筍簾設建鼓一於鐘懸之次左祝一笙三搏拊一西嚮右敵一笙三搏拊一東嚮東西分列琴六瑟四排簫二簫六篴六壎二箎四均北嚮足鼓楹鼓同節設編磬之西北向鼗鼓相鼓與搏拊同節設搏拊之下東西相向

按會典不載鑄鐘特磬設懸之次劬儀糾謬集云鑄鐘在編鐘東特磬在編磬西但其下之序與會典不同亦與闕里文獻考所載互異茲謹遵會典云

文舞六佾籥翟各三十六舞列中道之東西退則立於樂懸之東西引樂之器曰麾引舞之器曰節麾一在祝北節二在東西兩階舞生之前

中和韶樂八章春以夾鍾爲宮秋以南呂爲宮樂曲曰平

迎神奏昭平之章曰大哉孔子先覺先知與天地參萬世之師祥徵麟紱韻答金絲日月既揭乾坤清爽初獻奏宣平之章曰予懷明德玉振金聲生民未有展也大成俎豆千古春秋上丁清酒既載其香始升

有舞

亞獻奏秩平之章

曰式禮莫愆升堂再獻響協鼗鏞誠孚壘甌肅肅融融鬯髦斯彥禮陶樂淑相觀而善

有舞

終獻奏敘平之章曰自古

在昔先民有作皮弁祭菜於論思樂惟天牖民惟聖時若彝倫攸敘至今木鐸

有舞

徹饌奏懿平之章曰先師有言祭則受福四海鬯宮疇敢不肅禮成告徹毋疏毋瀆樂所自

生中原有菽送神奏德平之章曰鳧繹峩峩洙泗洋洋景

行行止流澤無疆聿昭祀事祀事孔明化我蒸民育我膠庠

以上各制諸縣從同他志故多不載山邑荒僻禮器之缺乏多矣就學官移交數目其祭器之現存者僅帛篚九銅爵七十三豆十四籩六十樂器之現存者僅祝一排簫二編鐘十六編磬十六物之不備禮於何存殘籩缺俎殆同嬉設至如弦歌千揚樂以和禮之義缺焉弗講者不知凡幾十年故土有壯歲趨蹌訖於白首詢以法物之燦陳聲容之盛著猶復如墮雲霧哆口茫然將典禮之謂何矣延福每舉行祀事目睹壞敝慨然傷之

光緒臨朐縣志卷七

學校

十

乃謹遵 大清會典并采闕里文獻之制捐俸修製祭器樂器粗爲完整其樂章則取文廟丁祭譜遴諸生之解音律者俾共演授舞生四十名由學官詳學憲取足如額以時習其進抑退揚之節惟樂典久廢肄習非易登歌舞羽秩然煥然之觀未易期之倉卒茲備書其端末用志舉廢之難且諗來者儻由是兢兢焉相率以職守稽察爲任歲月日新庶幾益臻明備乎延福謹識

頒發書籍舊志不詳茲據學官交代冊內所載舊有 聖

諭廣訓 一本 朋黨訓 二本 御製訓飭士子文 一本 上

諭 二十四 本 存 上諭 一本 本 存 學政全書 一本 本 存 明史 一百二十 本 存 缺一

本 欽定四書文 二十二本存 上諭 二部共二十五本 周

易折中 二部共二十九本 詩經傳說 二部共三十六本 書經

傳說 二部共二十四本 春秋傳說 二部共二十八本 性理

精義 二部共十二本 名教罪人書 二本今一本 律例 十四本今十三本

督捕則例 二本 御製論 二本 學政全書 十二本 樂譜 三本

御製講章附本 一本 大學衍義 二部共十六本 欽定學政全書

十六本 聖諭廣訓韻文 一本 又平定回部碑文 平定兩

金川碑文 訓飭士子碑文書凡二十二部碑文凡三幅

今缺逸過半矣

學額順治朝十二名歲考科考同康熙十五年減去九名

光緒臨朐縣志卷七 學校

二十年復舊額同治九年廣為十五名 以軍興地方捐貲

學額各三名并廣一次文武學額各三名 廩額二十名增額二十名每三年貢

二人 武生十五名 儒童歲科試 舊有撥入府學一名或二名

樂舞生康熙五十八年設乾隆五年定每縣四十人以三

十六人樂舞餘四人備臨時更替其例童生免府縣兩試

由教官冊送 敘入考案之後其始亦由廩保甘結以四書

學政憑文錄進 雖經入學毋庸開缺 生員免其錄遺附案

鄉試

射圃久廢無迹舊志云在學門前東偏南北九十二步東

西九步計地二畝一分九釐二毫今為民居按傅氏昌國

餘隍已云萬歷中知縣彭宗旺捐與貧士孫傳後等爲書

舍後皆爲民居則其湮失又不自康熙時始矣舊志詳載四至云東

至孟緒牆腳下西至許科孟繡牆腳下北至官街中心西

邊長拐一段南北長九十八步北口七步中口八步南口

七步一尺東邊短拐一段南北長四十一步東西口闊九

步歲月荒遠廢宅成墟間有存者亦不知更易幾姓按迹

考索祇益茫然附錄於此聊志墮聞而已

學地東一段東至城南至課間相公宅西至周巨川宅北

至官宅西一段東至學南至民居西至蕭瑞卿宅北至獄

牆昌國餘隍云成化中買學地九段買閭讓宅東西五十

尺南北二十八尺價銀四兩買閭珉宅地價銀五兩

爲今西耳房買蘇琨宅地東西五十二尺價銀二兩買油

雲地價銀十二兩爲今庠門入路買蘇占地爲今西齋房

買王昇宅銀二兩買轟代宅銀二兩爲今西庠門隙地買

王璉地李果園地爲今西官宅隙地舊志未詳故采而附

之誌

學田一在夫召社靈山下村田共二頃一十畝元時置正至

五年學田記云靈山地貳頃餘壹段一頃二十畝餘東至

小道南至官荒地山至水口北至水泉取直爲界一段

靈山西北八十畝餘東至官荒地南至水口西至峯堆北

至小道有碑在明倫堂西壁記又云一續撥城郭周圍壕

塹地舊志采列以今存四十畝

一在時村社地三畝始置不詳咸豐元年被水沖沒咸豐

教諭李清琳移交册内云爾

光緒臨朐縣志卷七學校 十二

一在趙疇社明崇禎七年按院王道純買民陳三表地二

頃三十五畝五分昌國餘隍作二頃三十價銀三百兩昌國

餘隍作二十兩後爲村民侵占知府張文衡使屬諸貧士

五錢一分八釐

遂爲贍士田今聽貧士分種有極貧次貧之分各以六人爲斷身歿則已子孫不得據爲恆產補額授地其事仍由學官主之

學倉明景泰二年知縣陳安建成化二年改益教諭宅後遂無復建者

書院義塾考棚附

胸陽書院在縣治南嘉慶十二年知縣黃思彥率邑人釀金倡立咸豐元年知縣張心廉同治十年知縣何維堃相繼修室宇湫隘齋舍不備光緒八年拓院東廢圃建重屋五楹爲講舍南爲廳事帶以迴廊西有小舍軒牕明敞荷

光緒臨胸縣志卷七

學校

十三

池竹圃適藏修游息之宜規模爲粗具矣

西山書院在縣署南今廢爲平地基址猶存

舊志有胸山書院在儒林坊南明嘉靖十年知縣褚寶

建四明陸釵有記其文曰臨胸當青齊萬山中地僻而

民樸俗麤獷難馴或曰僻近陋樸近野獷近悍若之
何化之陸子曰古道之不復其諸性真之亡乎天下
士習華而飾也幾於僞矣不患其失之僻而陋巧而競
也幾於市矣不患其失之樸而野類而惴也幾於靡矣
不患其失之麤而獷也是故僻陋者敦龐之化基焉樸
野者醜篤之行興焉麤獷者剛毅之守出焉斯天地之
正氣而人之成之豈繫乎其地哉嘉靖壬辰余視學山
東按青州集諸屬邑士試之則胸之士多銳而穎異
視諸邑爲獨盛余始異之曰孰謂胸無士哉既而穎異
士子詢焉僉曰胸令褚君實來興學起廢治先教化又
以儲材在學校而蒙養必先小學乃倣古社塾遺意創
書院於邑城中前爲正堂三楹後爲景賢堂五楹翼
以書舍十六楹環以左右塾八楹於是選民間之秀彥

立塾師以教之朝鐘暮鼓聚散惟時辨方書正句讀吟
詩習禮考論名物器數居處慎其與長幼明其節勤隋
示其懲勸今雖日事案牘不暇給稍間輒與諸生督課
時校藝而進之右塾升之左塾升之堂升之堂者以需
進於庠校於是邑之士咸觀感而嚮化余作而歎曰褚
君豈不誠賢令哉達教本矣越明年癸巳巡按御史褚
莊方公按胸重為嘉獎遂扁其門曰胸山書院云嗟乎
今書院之設遍山左然未聞以小學為教者易之蒙曰
山下出泉蒙君子以果行育德言導之漸也記曰禁於
未發之謂豫言辨之微也行道之漸則本立辨之微則
審所以遏淫邪防逸欲而正聖功咸自茲始余故謂褚
君之達教本也且夫天地之氣溘而未漓則積之必厚
而發之也弘蓄而未洩則觸之必暢而出之也奇譬之
荒江大澤之濱斥鹵不稼開闢而播種之種稂莠然
生矣童山濯濯一旦培之水土樹之嘉木不數年可以
棟明堂扶大廈人才之盛衰豈異哉夫胸固山川之
聚也其秀靈清淑磅礴鬱積歷數千百年而未鍾於
人者尚翕然凝也今茲多士浸淫道化刻勵磨淬而日
趨於仁義禮樂者又淳然奮也得無所謂溘而未漓蓄
而未洩者乎諸士子勗哉毋負良有司之意幼養而壯

光緒臨胸縣志卷七學校

立以衍敦龐之化以樹篤實之行以存剛毅之守胸之
俊髦將彬彬然輩出發之弘而出之奇矣諸士子勗哉
後廢為訓導宅又府志有李公書院在縣治西南唐李
靖讀書處今莫可考矣

義塾南北關各一

學俸官給每歲每塾制錢三十千舍宇未立塾師假民屋以教學徒來去不常

具文而已

舊志載社學三一在文曲巷明知縣吳應宿初建一在
五井一在冶源褚寶王家士相繼修建并云今廢蓋自
其時已鞠為茂草矣流風善政邈不可溯附志其名以
動流連於後人也

考棚在明倫堂 前 東 西各十間南六間嘉慶十二年邑人朱

良謨馬駿龍各捐錢三千緡初立

光緒臨朐縣志卷七

學校

十五

光緒臨朐縣志卷之七終